

স্মারক নং- ১২.০২.০০০০.০২৩.১৬.০০৩.১২- ৮৭

তারিখঃ ২২-০২-২০১৫ খ্রিঃ

বিষয়ঃ হিমাগারে আলু সংরক্ষণকালীন সময়ে নিরবিচ্ছিন্ন বিদ্যুৎ সরবরাহ প্রসঙ্গে।

উপর্যুক্ত বিষয়ে জানানো যাচ্ছে যে, বর্তমানে উৎপাদন ও বাণিজ্যিক দৃষ্টিকোণ থেকে আলু বাংলাদেশের অন্যতম প্রধান সবজি ও গুরুত্বপূর্ণ অর্থকরী ফসল। দেশে আলুর উৎপাদন এলাকা, পরিমাণ ও এর বহুমুখী ব্যবহার ক্রমাগতই বৃদ্ধি পাচ্ছে। বিগত গত ১০ বৎসরে আলুর উৎপাদন দ্বিগুনেরও বেশি বৃদ্ধি পেয়ে বর্তমানে যার পরিমাণ দাড়িয়েছে প্রায় ৮০/৯০ লক্ষ মেঃ টন। বর্তমানে দেশে আলু সংরক্ষণের জন্য প্রায় ২৫৭২৫৬৬ মেঃ টন ধারণক্ষমতা সম্পন্ন বিভিন্ন আকারের ৩৭৩টি হিমাগার রয়েছে। দেশে উৎপাদিত আলুর শতকরা ২৫-৩০ ভাগ হিমাগারে সংরক্ষণ করা হয়ে থাকে যার মধ্যে উল্লেখযোগ্য পরিমাণ বীজ আলু হিসেবে সংরক্ষণ করা হয় এবং যা পরবর্তী মৌসুমের উৎপাদনের জন্য অপরিহার্য। ফলে আলুর সুষ্ঠু সংরক্ষণ ও গুণগতমান অক্ষুণ্ণ রাখার জন্য হিমাগারসমূহে নিরবিচ্ছিন্ন বিদ্যুৎ সরবরাহের কোন বিকল্প নেই। বিদ্যুতের অভাবে হিমাগারে সুষ্ঠুভাবে আলু সংরক্ষণ বিঘ্নিত হলে গুণগতমান তার সামগ্রিক নেতিবাচক প্রভাব উৎপাদনের সকল ধাপেই পড়ে।

আগামী মধ্য মার্চ হতে দেশের প্রায় সকল হিমাগারে একযোগে আলু সংগ্রহ ও সংরক্ষণ কার্যক্রম শুরু হতে যাচ্ছে এবং তা বৎসরের প্রায় শেষ মাস পর্যন্ত চলবে। সংরক্ষিত আলুর গুণগতমান অক্ষুণ্ণ থাকার উপর অনেকাংশেই নির্ভর করে কৃষকের ন্যায্য মূল্য প্রাপ্তি, পরবর্তী বৎসরের উৎপাদন, আলুর বহুমুখী ব্যবহার প্রভৃতি। ফলে হিমাগারসমূহে বিদ্যুৎ সরবরাহ নিরবিচ্ছিন্ন রাখা একান্ত প্রয়োজন। এটি অনস্বীকার্য যে বিদ্যুৎ বিভাগ ধারাবাহিকভাবে প্রত্যন্ত অঞ্চলে অবস্থিত হিমাগারসমূহে বিদ্যুৎ সরবরাহ অব্যাহত রেখেছে। সেই লক্ষ্যে সকল হিমাগারসমূহে নিরবিচ্ছিন্ন বিদ্যুৎ সরবরাহ নিশ্চিতকরণের নিমিত্ত বিদ্যুৎ বিভাগের সুদৃষ্টি একান্ত প্রয়োজন।

বর্ণিতাবস্থায় হিমাগারসমূহে কৃষক ও ব্যবসায়ীদের আলু সংরক্ষণকালে নিরবিচ্ছিন্ন বিদ্যুৎ সরবরাহ নিশ্চিতকরণের লক্ষ্যে সংশ্লিষ্ট জেলার বিদ্যুৎ অফিসসমূহকে মৌসুম শুরুর পূর্বেই হিমাগারসমূহে নিরবিচ্ছিন্ন বিদ্যুৎ সরবরাহ নিশ্চিতকরণের দিক নির্দেশনা প্রদানের জন্য বিশেষভাবে অনুরোধ করা হলো।

(মোঃ মাহবুব আহমেদ)

যুগ্ম সচিব

ও

পরিচালক

ফোনঃ ৯১১৪৩১০

E-mail: director@dam.gov.bd

- ১। চেয়ারম্যান, বাংলাদেশ বিদ্যুৎ উন্নয়ন বোর্ড, ঢাকা।
- ২। চেয়ারম্যান, পল্লী বিদ্যুৎ উন্নয়ন বোর্ড, ঢাকা।

অনুলিপিঃ সদয় জ্ঞাতার্থে

- ১। সচিব, কৃষি মন্ত্রণালয়, বাংলাদেশ সচিবালয়, ঢাকা।
- ২। সভাপতি, বাংলাদেশ কোল্ড স্টোরেজ এসোসিয়েশন, ৩৮ পুরানা পল্টন, ঢাকা- ১০০০।